



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
Գ Ի Տ ՈՒ Թ Յ Ա Ն Կ Ո Մ Ի Տ Ե  
Ն Ա Խ Ա Գ Ա Հ

ք. Երևան

«17» փետրվարի, 2020 թ.

Հ Ր Ա Մ Ա Ն № 04-Ա/Ք

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ՊԱՅՄԱՆԱԳՐԱՅԻՆ  
(ԹԵՄԱՏԻԿ) ՖԻՆԱՆՍԱՎՈՐՄԱՆ ՇՐՋԱՆԱԿՆԵՐՈՒՄ ԵՐԿԱԿԻ ՆՇԱՆԱԿՈՒԹՅԱՆ  
ԾՐԱԳՐԵՐԻ ԱԶԱԿՑՈՒԹՅԱՆ ՄՐՑՈՒՅԹԸ ԿԱԶՄԱԿԵՐՊԵԼՈՒ ՄԱՍԻՆ**

Առաջնորդվելով Հայաստանի Հանրապետության կառավարության 2001 թվականի նոյեմբերի 17-ի «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգը հաստատելու մասին» N 1122 որոշմամբ հաստատված կարգի 3-րդ կետով, ինչպես նաև հիմք ընդունելով Հայաստանի Հանրապետության կրթության, գիտության, մշակույթի և սպորտի նախարարի 2020 թվականի փետրվարի 13-ի N 06-Լ հրամանը՝

**Հ Ր Ա Մ Ա Յ ՈՒ Մ ԵՄ.**

1. Կազմակերպել գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում երկակի նշանակության ծրագրերի աջակցության հայտերի ընտրության մրցույթը:
2. ՀՀ ԿԳՄՍՆ գիտության կոմիտեի տեղեկատվության և հասարակայնության հետ կապերի բաժնին՝ եռօրյա ժամկետում ապահովել մրցույթի հայտարարության հրապարակումը զանգվածային լրատվության հանրապետական միջոցներով և մրցույթի հրավերի փաթեթի տեղադրումը ՀՀ ԿԳՄՍՆ գիտության կոմիտեի ինտերնետային կայքէջում:
3. ՀՀ ԿԳՄՍՆ գիտության կոմիտեի ֆինանսատնտեսագիտական և հաշվապահական հաշվառման բաժնին (պետ Տ. Գալստյան)՝ սահմանված կարգով ապահովել մրցույթի

հայտարարության հրապարակման համար անհրաժեշտ ֆինանսական միջոցների տրամադրումը:

4. ՀՀ ԿԳՄՍՆ գիտության կոմիտեի գիտական քաղաքականության վարչությանը (պետ՝ Կ. Ղարիբյան)՝

- 1) խորհրդատվություն տրամադրել մրցույթի հայտ ներկայացնող գիտահետազոտական խմբերի ղեկավարներին,
- 2) իրականացնել մրցույթի հայտերի տեխնիկական ստուգումը և կազմակերպել մրցույթին ներկայացված հայտերի գիտական փորձաքննությունը,
- 3) մրցույթի արդյունքների ամփոփումից հետո գիտական թեմաների ղեկավարներին սահմանված կարգով տեղեկացնել մրցույթի արդյունքների մասին,
- 4) կազմակերպել մրցույթի արդյունքներով ֆինանսավորման երաշխավորված գիտական թեմաների ղեկավարների հետ պայմանագրերի կնքումը՝ ՀՀ «Քաղաքացիական օրենսգրքով» սահմանված կարգով:

5. Սույն հրամանի կատարման հսկողությունը վերապահել ՀՀ ԿԳՄՍՆ գիտության կոմիտեի նախագահի տեղակալ Ա. Մովսիսյանին:

**ՍԱՐԳԻՍ ՀԱՅՈՅՅԱՆ**